


Home / SVE VIJESTI / VIJESTI IZ VITEZA / Kriminalne radnje Suada Trake, direktora OŠ "Dubravica" Vitez-Preočica

Kriminalne radnje Suada Trake, direktora OŠ "Dubravica" Vitez-Preočica

on Juni 17, 2014



Kako saznaje naš portal, a na osnovu vjerodostojnih dokumenata, direktor OŠ "Dubravica" Vitez-Preočica, Suad Trako bi po svemu sudeći mogao biti krivično gonjen.



Rano jutros u Preočicu su došli pripadnici Federalne uprave policije, te nakon oduzimanja dokumentacije, direktor Suad Trako je školu napustio uz prtnju Federalne uprave policije.

Naime, Suad Trako je u navedenoj školi u proteklom periodu izvršio niz krivičnih djela, a koje je zajedno sa još nekoliko članova Upravnog odbora pokušavao prikriti, te postoji osnovana sumnja da su i članovi Upravnog odbora svjesno prikrivajući i zataškivajući brojne malverzacije u ovoj školi činili krivična djela.

Glavni kantonalni inspektor Ministarstva obrazovanja, nauke, kulture i sporta SBK, mr.sc. Refija Kulašin je na osnovu člana 78. stav.1. tačka 4. Zakona o osnovnoj školi, dala prijedlog Ministarstvu za prijevremeno razriješenje direktora Suada Trake.

Naime u prijedlogu za prijevremeno razriješenje stoji kako je direktor Suad Trako Ministarstvu dao netačne podatke o broju učenika u Područnoj školi u Počulici i Ahmićima, čime je svjesno obmanuo Ministarstvo i krivotvorio podatke.

U obrazloženju je navedeno niz radnji koje je direktor sam ili u saradnji sa Upravnim odborom poduzimao a koje su bile suprotne zakonskim odredbama.

Vršeći neposredan inspeksijski nadzor u Područnoj školi u Počulici Osnovne škole „Dubravica-Preočica“, zapisnički je u prisustvu direktora Suada Trake utvrđeno da stvarni broj učenika u odjeljenju ne odgovara broju učenika koje je direktor proslijedio Ministarstvu u postupku davanja saglasnosti na broj odjeljenja i kroz Godišnji plan i program.

Uvidom u odjeljenske knjige utvrđeno je da odjeljenje I/9 ima 13 učenika, a prikazano je 14, u II/9 ima 19 a Ministarstvu prikazano 20, u III/9 ima 17, prikazano 18, IV/8, zatim V/8 ima 16, a prikazano 22, VI/8 ima 21 učenik, a prikazano 23, VIII/8 ima 18, a prikazano 19. Prema navedenom jasno je da direktor nije izvjestio Ministarstvo o stvarnom broju učenika u odjeljenjima.

Također, zapisnikom sačinjenim, inspektori su utvrdili da je direktor prikazao Ministarstvu da u područnoj školi Ahmići ima tri učenika trećeg razreda, a realno nije postojao ni jedan učenik. Da bi opravdao lažni podatak o učenicima trećeg razreda, direktor Suad Trako je svoju kćerku koja je prvi i drugi razred pohađala u Preočici, gdje sa roditeljima i živi, bez ikakvih odobrenja nadležnog ministarstva, premjestio u Područnu školu Ahmići. Svjesna namjera direktora bila je da Ministarstvu prikaže veći broj učenika i postojanje četiri razreda i osigura da se odobre dvije kombinacije (prvi i teći te drugi i četvrti), odnosno jedno odjeljenje više od školske 2012/2013. godinu, čime je u zabludu doveo Ministarstvo koje je dalo saglasnost na formiranje dvije kombinacije sa po dva razreda, a slijedom toga i saglasnost na raspisivanje konkursa za radno mjesto nastavnika razredne nastave, a koje je nastalo kao iskazana, a neutemeljena potreba u Područnoj školi Ahmići.

Netačan broj učenika direktor je prikazao ne samo Ministarstvu, nego i Upravnom odboru škole na sjednici 29.06.2013. godine, kada su donosili odluku o broju odjeljenja.

Na tako dobijenu saglasnost za raspisivanje konkursa i broj odjeljenja u Područnoj školi, direktor je stvorio pretpostavke da njegova supruga Rijaza Trako konkuriše i zasnuje radni odnos gdje istovremeno izvodi nastavu svom djetetu.

Treba istaći da je na konkursu bilo dosta prijavljenih, no na intervju je Rijaza Trako dobila najveći broj bodova 5, dok su sve ostale kandidatkinje dobile po 1 bod, i pored činjenice da je na konkursu bilo kandidata sa zvanjem magistra razredne nastave.

Zbog očite svjesne namjere direktora Suada Trake da netačnim prikazivanjem podataka i korištenjem čak i vlastitog djeteta dovede u zabludu Ministarstvo, čime je prekoračio svoja ovlaštenja i na određeni način zloupotrijebio svoj položaj, prouzrokovao je veliku finansijsku štetu ne samo Budžetu Kantona, nego i OŠ „Dubravica“ Vitez-Počulica, uposlenicima iste, kao i djeci koja pohađaju navedenu školu.

U narednom periodu očekuje se od Ministarstva obrazovanja, nauke, kulture i sporta SBK i ministra Joze Jurine, da se očituju po navedenom prijedlogu za prijevremeno razrješenje direktora Suada Trake.

Piše: Emir Redžić